

四庫全書

集部

欽定四庫全書

御定全唐詩卷八百四十七

齊已

猛虎行

磨爾牙錯爾爪
狐莫威兔莫狡
饑來吞噬助腸飽
橫行不怕日月明
皇天產爾為生獍
前村半夜聞吼聲
何人按劍燈熒熒

西山叟

西山中多狼虎去歲傷兒復傷婦官家不問孤老身還
在前山山下住

君子行

聖人
不生麟龍何瑞梧桐不高鳳凰何止吾聞古之有
君子行藏以時進退求已榮必為天下榮恥必為天下
恥苟進不如退不如退樂府詩集無此四字亦何必用虛偽之
文章取榮名而自美

善哉行

大鵬刷翮謝溟渤青雲萬層高突出下視秋濤空渺瀰
舊處魚龍皆細物人生在世何容易眼濁心昏信生死
願除嗜慾待身輕攜手同尋列仙事

日日曲

日日日東上日日日西沒任是神仙容也須成朽骨浮
雲滅復生芳草死還出不知千古萬古人葬向青山為
底物

耕叟

春風吹蓑衣暮雨滴箬笠夫婦耕共

且一作

勞兒孫飢對

泣田園高且瘦賦稅重復急官倉鼠雀群共

只一作

待新

租入

苦熱行

離宮劃開赤帝怒喝出六龍奔日馭下土熬熬若

一作苦

煎煮蒼生惶惶無處處火雲崢嶸焚沈寥東臯老農腸
欲焦何當一雨蘓我苗為君擊壤歌帝堯

苦寒行

冰峰撐空寒矗矗雲凝水凍埋海陸殺物之性傷人之
慾既不能斷絕疾藜荆棘之根株又不能展鳳皇麒麟
之拳跼如此則何如為和煦為膏雨自然天下之榮枯
融融於萬戶

春風曲

春風有何情旦暮來林園不問桃李主吹落紅無言

城中懷山友

春城來往桃李碧煖艷紅香斷消息吾徒自有山中鄰

白晝冥心坐嵐壁

讀李賀歌集

赤水無精華荆山亦枯槁元珠與虹玉璨璨李賀抱清
晨醉起臨春臺吳綾蜀錦胸襟開狂多兩手掀蓬萊珊
瑚掇盡空土堆

風琴引

接吳絲雕楚竹高託天風拂為曲一一宮商在素空鸞
鳴鳳語翹梧桐夜深天碧松風多孤窗寒夢驚流波愁

魂傍枕不肯去翻疑住處鄰相娥金一作風聲盡熏一作

金風發冷泛虛堂韻難歇常恐聽多耳漸煩清音不絕

知音絕

夏雲曲

紅嵯峨燦晚波乖龍慵卧旱鬼多熾熾萬里壓天塹颺
雷電光空閃閃好雨不雨風不風徒倚穹蒼作巖險男
巫女覲更走魂焚香祝天天不聞天若聞必能使爾為
潤澤洗埃氛而又變之成五色捧日輪將以表唐堯虞

舜之明君

讀李白集

竭雲濤剗巨鼇搜括造化空牢牢冥心入海海神怖驪
龍不敢為珠主人間物象不供取飽飲

一作飯

遊神向懸

圓鏘金鏗玉千餘篇膾吞炙嚼人口傳須知一一丈夫
氣不是綺羅兒女言

祈真壇

玉甕瑤壇二三級學仙弟子參差入霓旌隊仗下不下

松檜森森天露濕殿前寒氣束香雲朝祈暮禱玄元君
茫茫俗骨醉更昏樓臺十二遙崑崙崑崙縱廣一萬二
千里中有五色雲霞五色水何當斷慾便飛去不要九
轉神丹換精髓

黃雀行

雙雙野田雀上下同飲啄暖去栖蓬蒿寒歸傍籬落殷
勤避羅網乍可遇鷓鴣鷓鴣雖不仁分明在寥廓

石竹花

石竹花開照庭石紅蘇自稟離宮色一枝兩枝初笑風
猩猩血潑低低叢常嗟世眼無真鑒却被丹青苦相陷
誰為根尋造化功為君吐出淳元膽白日當午方盛開
彤霞灼灼臨池臺繡香濃艷如未已粉蝶遊蜂狂欲死

寄南岳白蓮道士能于常嘯

猿揉休啼月皎皎蟋蟀不吟山悄悄大耳仙人滿頷鬚
醉倚長松一聲嘯

古劍歌

古人手中鑄神物百鍊百淬始提出今人不要強剛磨
蓮鐔星丈未曾沒一彈一撫聞錚錚老龍影奪秋燈明
何時得遇英雄主用爾平治天下去

湘妃廟

湘煙濛濛湘水急汀露凝紅裛蓮濕蒼梧雲疊九嶷深
二女魂飛江上立相攜泣鳳蓋龍輿追不及廟荒松朽
啼飛猩笋鞭迸出階基傾黃昏一岸陰風起新月如眉
生闊水

巫山高

巫山高巫女妖雨為暮兮雲為朝楚王顛顛魂欲銷秋
猿嗥嗥日將夕紅霞紫煙凝老壁千巖萬壑花皆坼但
恐芳菲無正色不知今古行人行幾人經此無秋情雲
深廟遠不可覓十二峰頭插天碧

贈持法華經僧

衆人有口不說是即說非吾師有口何所為蓮經七軸
六萬九千字日日夜夜終復始乍吟乍諷何悠揚風篁

古松含秋霜但恐天龍夜叉乾闥衆福塞虛空耳皆聳
我聞念經功德緣舌根可算一作等金剛堅他時劫火洞
燃後神光璨璨如紅蓮受持身心苟精潔尚能使煩惱
大海水枯竭魔王輪幢自摧拆何況更如理行如理說

剗腸龜

爾既能於靈應久存其生爾既能於瑞胡得迷其死剗
腸徒自屠曳尾復何累可憐濮水流一葉泛莊子

贈巖居僧

石如騏驎巖作室秋苔漫壇淨於漆袈裟蓋頭心在無
黃猿白猿啼日日

觀李瓊處士畫海濤

巨鼇轉側長鱗翻狂濤顛浪高漫漫李瓊奪得造化本
都盧縮在秋毫端一揮一畫皆筋骨滉漾崩騰大鯨臬
葉撲仙槎擺欲沉下頭應是驪龍窟昔年曾要涉蓬瀛
唯聞撼動珊瑚聲今來正歎陸沉久見君此畫思前程
千尋萬派功難測海門山小濤頭白令人錯認錢塘城

羅刹石底奔雷霆

昇天行

身不沉骨不重驅青鸞駕白鳳幢蓋飄搖

一作

入冷空

天風瑟瑟星河動瑤闕參差阿母家樓臺戲閉凝彤霞
三五仙子乘龍車堂前碾爛蟠桃花迴頭却顧蓬萊頂
一點濃嵐在深井

還人

李白李賀遺機杼散在人間不知處聞君收在芙蓉江

日鬪鮫人織秋浦金梭劄劄文離離吳姬越女羞上機
鴛鴦浴煙鸞鳳飛澄江曉映餘霞輝仙人手持玉刀尺
寸寸酬君珠與璧裁作霞裳何處披紫皇殿裏深難一作
相覓

輕薄行

玉鞭金鐙驕騮蹄橫眉吐氣如虹霓五一作陵春暖芳

草齊笙歌到處花成泥日沉月上且鬪雞醉來莫問天

高低伯陽道德何唾一作涕仲尼禮樂徒卑栖

浮雲行

大野有賢人大朝有聖君如何彼浮雲掩蔽白日輪安
得東南風吹散八表外使之

一本無
之字

天下人共見堯眉

彩

煌煌京洛行

聖君垂衣裳蕩蕩若朝旭大觀無遺物四夷來率服清
晨迴北極紫氣蓋黃屋雙闕聳雙鰲九門如川瀆梯山
航海至晝夜車相續我恐紅塵深變為黃河曲

弔汨羅

落日倚闌干徘徊汨羅曲冤魂如可弔煙浪聲似哭我

欲考鼃鼃之心烹魚龍之腹爾既啖大夫之血食大夫

之肉千載之後猶斯暗一作藏伏將謂唐虞之尊還如荒

悴一作醉之君更有逐臣於焉葬魂得以縱其噬恣其吞

贈念法華經僧

念念念分入惡易念念念分入善難念經念佛能一般

愛河竭處生波瀾言公少年真法器白晝不出夜不睡

心心緣經口緣字一室寥寥燈照地沉檀卷軸寶函盛
簷蔔香熏水精記空山木落古寺閑松枝鶴眠霜霰乾
牙根舌根水滴寒珊瑚槌打紅琅玕但恐蓮花七朵一

時折朵朵似君心地白

一作
簇攢

又恐天風

一作
風緊

吹天花縮

紛如雨飄絮漾沉聞此經甚微妙百千諸佛真祕要靈

山說後始傳來聞者雖多持者少更堪誦入陀羅尼

此云

總持

唐音梵音相雜時舜絃和雅熏風吹文王武王絃更

悲如此爭不遣碧空中有龍來聽有鬼來聽亦使人間

聞者敬見者敬自然心虛空性清淨此經真體即毘盧

此云種
種光

雪嶺白牛君識無

短歌寄鼓山長老

第十一句
缺一字

雪峰雪峰高且雄
峩峩堆積青冥中
六月赤日燒不鎔
飛禽瞥見人難通
常聞中有白象王
五百象子皆威光
行圍坐遶同一色
森森影動旃檀香
於中一子最雄猛
稱尊獨踞鼓山頂
百千眷屬陰影身
照曜吞秋景
裁聞岷國民歸依
前王後王皆師資
寧同梁武遇達磨
獨

後彈指空傷悲

漁父

夜釣洞庭月朝醉巴陵市却歸君山下魚龍窟邊睡生
涯在何處白浪千萬里曾笑楚臣迷蒼黃汨羅水

採蓮曲

越溪女越江蓮齊齒雙嬋娟嬉遊向何處採摘且同
船浩唱一作歌發容與清波生漪漣時逢島嶼泊幾共鴛
鴦眠襟袖既盈溢馨香亦相傳薄暮歸去來苧蘿生碧

煙

啄木

啄木啄啄鳴林響
壑貪心既綠利嘴斯鑿有朽百尺微
蟲斯宅以啄去害啄更彌劇層崖豫章聳
幹蒼蒼無縱爾啄推我棟梁

靈松歌

靈松靈松是何根
株盤擗枝幹與羣木殊
世眼爭知蒼翠容
薜蘿遮體深朦朧
先秋瑟瑟生谷風
青陰倒卓寒

潭中八月天威行肅殺萬木凋零向霜雪唯有此松高
下枝一枝枝在無摧折癡凍頑冰如鐵堅重重鎖到槎
牙顛老鱗枯節相把捉踉蹌立在青崖前有時深洞興
雷電飛電繞身光閃爍乍似蒼龍驚起時攫霧穿雲欲
騰躍夜深山月照高枝疎影細落莓苔磯千年朽枿魍
魎出一株寒韻鏘琉璃安得良工妙圖腹寫將偃蹇懸
煙閣飛瀑聲中戰歲寒紅霞影裏擎蕭索

壺

蠹不自蠹而蠹于木蠹極木心以豐爾腹偶或成之胡
為勗人人而不真繇爾亂神蠹兮蠹兮何全其生無託
爾形霜松雪檉

行路難

行路難君好看驚波不在黠黠間小人心裏藏崩湍七
盤九折寒嵩翠翻車倒蓋猶堪出未似是非脣舌危閣
中潛毀平人骨君不見楚靈均千古沉寃湘水濱又不
見李太白一朝却作江南客

謝徽上人見惠二龍障子以短歌酬之

我見蘇州崑山金城中金城柱上有二龍老僧相傳道
是僧繇手尋常入海共龍鬪又聞蜀國王局觀有孫遇
跡盤屈身長八十尺遊人爭看不敢近頭觀寒泉萬丈
碧近有五羊徽上人閑工小筆得意新畫龍不誇頭角
及鬚鱗只求筋骨與精神徽上人真藝者惠我雙龍不
言價等閑不敢將懸挂恐是葉公好假龍及見真龍却

驚怕

送人往長沙

荆門歸路指湖南千里風帆興可諳
好聽鷓鴣啼雨處
木蘭舟晚泊春潭

偶題

時事嬾言多忌諱野吟無主若縱橫
君看三百篇章首
何處分明著姓名

寄山中叟

青泉碧樹夏風涼紫蕨紅粳午爨香
應笑晨持一盂茗

腥羶市裏叫家常

贈琴客

曾攜五老峰前過，幾向雙松石上彈。
此境此身誰更愛，掀天羯鼓滿長安。

勉吟僧

千一作萬途萬轍亂真源，白晝勞形夜斷魂。
忍著袈裟把名紙，學他低折五侯門。

送人歸華下

蓮花峰翠濕凝秋
舊業園林在下頭
好束詩書且歸去
而今不愛事風流

夏日城中作二首

三面僧鄰一面牆
更無風路可吹涼
他年捨此歸何處
青壁紅霞裹石房

竹低莎淺雨濛濛
水檻幽窗暑月中
有境牽懷人不會
東林門外翠橫空

默坐

燈引飛蛾拂焰迷
露淋栖鶴壓枝低
冥心坐滿蒲團穩
夢到天台過剡溪

水邊行

身著袈裟手杖藤
水邊行止不妨僧
禽栖日落猶孤立
隔浪秋山千萬層

寄鄭谷郎中

人間近遇風騷匠
鳥外曾逢心印師
除此二門無別妙
水邊松下獨尋思

翡翠

水邊飛去青難辨竹裏歸來色一般磨吻鷹鷂莫相害
白鷗鴻鶴滿沙灘

與節供奉大德遊京口寺留題

柳岸晴緣十里來水邊精舍絕塵埃煮茶嘗摘興何極
直至殘陽未欲迴

謝荆幕孫郎中見示樂府歌集二十八字

長吉才狂太白顛二公文陣勢橫前誰言後代無高手

奪得秦皇鞭鬼鞭

謝陰符經勉送藏休上人二首

事遂鼎湖遺劔履時來渭水擲魚竿
欲知賢聖存亡道
自向心機反覆看

一林霜雪未霑頭爭遣藏休肯便休
學盡世間難學事
始堪隨處任虛舟

幽齋偶作

幽院纔容箇小庭
踈篁低短不堪情
春來猶賴鄰僧樹

時引流鶯送好聲

贈念法華經僧

萬境心隨一念平
紅芙蓉折愛河清
持經功力能如是
任駕白牛安穩行

對菊

無艷無妖別有香
栽多不為待重陽
莫嫌醒眼相看過
却是真心愛澹黃

閉門

正是閉門爭合閉大家開處不須開
還防朗月清風夜
有箇詩人相訪來

勉送吳國三五新戒歸

法王遺制付仁王
難得難持劫數長
努力只須堅守護
三千八萬是垣牆

夏日寄清溪道者

老病不能求藥餌
朝昏祇是但焚燒
不知誰為收灰骨
累石栽松傍寺橋

送惠空北遊

君向峴山

一作陽

遊聖境我將何以記多才叮嚀墮淚碑

前過寫取斯文寄我來

寄懷歸州馬判官

三年為倅興何長歸計應多事少忙又見秋風霜裛樹
滿山椒熟水雲香

觀荷葉露珠

霏微曉露成珠顆宛轉田田未有風任器方圓性終在

不妨翻覆落池中

苦熱懷玉泉寺寄仁上人

火雲如燒接蒼梧原野煙連大澤枯
漫費葛衫葵扇力
爭禁泉石潤肌膚

觀盆池白蓮

素萼金英歆露開倚風凝立獨徘徊
應思潏潏秋池底
更有歸天伴侶來

折楊柳詞四首

鳳樓高映綠陰陰凝重多含雨露深莫謂一枝柔軟力
幾曾牽破別離心

館娃宮畔響廊前依託吳王養翠煙劔去國亡臺殿一作

榭毀却隨紅樹噪秋蟬

穠低似中陶潛酒軟極如傷宋玉風多謝將軍遶營種
翠中閒卓戰旗紅

高僧愛惜遮江寺遊子傷殘露野橋爭似著行垂上苑
碧桃紅杏對搖搖

荅長沙丁秀才書

月月便

一作使

車奔帝闕年年貢士過荆臺如何三度槐

花落未見故人攜卷來

戒小師

不肯吟詩不聽經禪宗異岳嬾遊行他年白首當人問
將底言談對後生

舊題拄杖

未句缺
三字

親採匡廬瀑布西層崖懸壁更安梯攜行三十年吟伴

未有詩人

酬歐陽秀才卷

第二句
缺一字

三十篇多十九章
聲風力撼踈篁不堪更有精搜處
誰見蕭蕭雨夜堂

間一作
咏鴈

瀟湘浦

一作
水

暖全迷鶴邏
迤川寒只有鵬
誰向孤舟憶

兄弟坐看連鴈度橫橋

送高麗二僧南遊

日邊鄉井別年深
中國靈蹤欲徧尋
何處碧山逢長老
分明認取祖師心

謝猿皮

貴向獵師家買得
攜來乞與坐禪牀
不知摘月秋潭畔
曾對何人啼斷腸

酬光上人

禪言難後到
詩言坐石心
同立月魂應
記前秋會吟處
五更猶在老松根

送僧歸日本

日東來向日西遊一鉢閑尋徧九州却憶雞林本師寺
欲歸還待海風秋

庚午歲十五夜對月

海澄空碧正團圓吟想元宗此夜寒玉兔有情應記得
西邊不見舊長安

紅薔薇花

晴日當樓曉香歇錦帶盤空欲成結鶯聲漸老柳飛時

狂風吹落猩猩血

貽九華上人

一法傳聞繼老能
九華閒臥最高層
秋鐘盡後殘陽暝
門掩松邊雨夜燈

寄賡匡圖兄弟

僧外閒吟樂最清
年登八十喪南荆
風騷作者為商確
道去碧雲爭幾程

句

春晴游寺客花落閉門僧

見西清詩話

香傳天下口 貴

火前名角開香滿室爐動綠凝鐺

咏茶缺一字

園林將向

夕風雨更吹花

以下見吟窗雜錄

相思坐溪石

山風

缺三字

夕照背高臺殘鐘殘角催

落照

五老峰前相見

時兩無言語各揚眉

高人愛惜藏岩裏白甌封題寄

火前

咏茶見三山老人語錄

御定全唐詩卷八百四十七

欽定四庫全書

集部

御定全唐詩卷八百

四六至
五十二

詳校官庶吉士臣何道沖

主事銜臣徐以坤覆勘

總校官知縣臣繆琪

校對官學正臣卜惟吉

謄錄監生臣魏淳耀

欽定四庫全書

御定全唐詩卷八百四十八

尚顏

尚顏字茂聖俗姓薛尚書能之宗人也出家荆門工五言詩集五卷今存詩三十四首

言興

矻矻被吟牽因師賈浪仙江山風月處一十二三年雅頌在於此浮華致那邊猶慚功未至謾道近千篇

江上秋思

一作尚志詩

到來江上久誰念旅游心故國無秋信隣家有夜砧坐
遙翻不睡愁極却成吟即恐鬢連鬢還為白所侵

匡山居

無才加性拙道理合藏蹤是處非深遠其山已萬重經
時隣境戰獨夜隔雲春昨日泉中見常魚亦化龍

夷陵即事

不難饒白髮相續是灘波避世嫌身晚思家乞夢多暑

衣經雪著凍硯向陽呵豈謂臨歧路還聞聖主過

紫閣隱者

天高紫閣侵隱者信沉沉道長年兼長雲深草復深如
非禪客見即是獵人尋北笑長安道埃塵古到今

與陳陶處士

鍾陵城外住喻似玉沉泥道直貧嫌殺神清語亦低雪
深加酒債春盡減詩題記得曾邀宿山茶獨自攜

與王嵩隱

一生吟興僻方見業精微事若終難得鄉應不易歸亂
收西日葉雙掩北風扉合國諸卿相皆曾着布衣

懷陸龜蒙處士

布褐東南隱相傳繼謝敷高譚夫子道靜看海山圖事
免傷心否碁逢敵手無關中花數內獨不見菖蒲

寄華陰司空侍郎

劍佩已深局茅為嶽面亭詩猶少綺美畫肯愛丹青換
筆修僧史焚香閱道經相邀來未得但想鶴儀形

送陸肱入關

舟行復陸行始得到咸京
准擬何人口吹噓六義名
亂山遙減翠叢菊早含英
衣錦還鄉日他時有此榮

送劉必先

力進憑詩業心焦闕問安
遠行無處易孤立本來難
楚月船中沒秦星馬上殘
明年有公道更以命推看

寄方干處士

格外綴清詩詩名獨得知
閒居公道日醉卧牡丹時
海

鳥和濤望山僧帶雪期仍聞稱處士聖主肯相違

寄劉逸士

無愁無累者偶向市朝游此後乘孤艇依前入亂流高
眠歌聖日下釣坐清秋道不離方寸而能混俗求

送獨孤處士

萬里去非忙惟攜貯藥囊山家消夜景酒肆過年光立
鶴洲侵浪喧菴僻近床誰人臨上路乞得變鬕方

早春送人歸岳陽

久食主人魚春來復舊居遠無千里浪輕有半船書過
片晴雲淡消殘暮雪虛岳陽多異境搜思勿令疎

冬暮送人

長安冬欲盡又送一遺賢醉後情渾可言休理不然射
衣秦嶺雪搖月漢江船亦過春兼夏回期信有蟬

送徐道人東游

長安人擾擾獨自有閒心海上山中去風前月下吟引
猿秋果熟藏鶴曉雲深易姓更名數難教弟子尋

自紀

諸機忘盡未忘詩似向詩中有所依
遠境等閒支枕覓
空山容易杖藜歸
清猿一一居林叫
白鳥雙雙避釣飛
欲畫淨名居士像
楚香願見陸探微

懷智栖上人

臨水登山自有期
不同游子暮何之
閒眠默坐身堪賞
已去還來事可知
林鳥隔雲飛一餉
草蟲和雨叫多時
思君最易令人老
倚檻空吟所寄詩

峽中酬荆南鄭準

山齋西向蜀江濱，四載安居復有羣。
風雁勢高猶可見，雪猿聲苦不堪聞。
新詩寫出難勝寶，破衲披行却類雲。
每喜沂流賓客說，元瑜刀筆潤雄軍。

寄荆門鄭準

傳衣傳鉢理難論，綺靡銷磨二雅尊。
不許姓名留月觀，終攜瓶錫去雲門。
窗間挂燭通宵在，竹上題詩隔歲存。
珍重荆門鄭從事，十年同受景升恩。

將欲再游荆渚留辭岐下司徒

竹錫銅瓶配衲衣
殷公樓畔偶然離
白蓮幾看從開日
明月長吟到落時
活計本無桑柘潤
疎慵尋有水雲資
今朝回去精神別
為得頭廳宰相詩

贈村公

紬衣木突此鄉尊
白盡鬚眉眼未昏
醉舞神筵隨鼓笛
閒歌聖代和兒孫
黍苗一頃垂秋日
茅棟三間映古原
也笑長安名利處
紅塵半是馬蹄翻

秋夜吟

梧桐雨畔夜愁吟
抖擻衣裾蘚色侵
枉道一生無繫着
湘南山水別人尋

讀齊已上人集

一作栖
蟾詩

詩為儒者禪此格的惟仙古雅如周頌清和甚舜弦
冰生聽瀑句香發早梅篇想得吟成夜文星照楚天

除夜

一作棲
蟾詩

九冬三十夜寒與暖分開坐到四更後身添一歲來魚

燈延臘火獸炭化成灰青帝今應老迎新見幾迴

送人歸鄉

多才與命違末路憶柴扉白髮何人問青山一劍歸晴
煙獨鳥沒野渡亂花飛寂寞長亭外依然空落暉

述懷

青門聊極望何事久離羣芳草失歸路故鄉空暮雲信
回陵樹老夢斷灞流分兄弟正南北鴻聲堪獨聞

五城初罷構海上憶閑行觸雪麻衣靜登山竹錫輕天

寒嶽寺出日晚島泉清坐與幽期遇何湖心渺冥

宿壽安甘棠館

行人方倦役到此似還鄉流水來關外青山近洛陽溪
雲歸洞鶴松月半軒霜坐恐晨鐘動天涯道路長

山空蕙氣香乳管折雲房願值壺中客親傳肘後方三
更禮星斗寸七服丹霜默坐樹陰下仙經橫石床

送朴山人歸新羅

浩渺行無極揚帆但信風雲山過海半鄉一作樹入舟

中波定遙天出沙平遠岸窮離心寄何處目擊曙霞東
宿清遠峽山寺

寺近朝天路多聞玉佩音鑿人開慧眼歸鳥息禪心磬
接星河曙窗連夏木深此中能宴坐何必在雲林

松山嶺

平生閑放久野鹿許為羣居止隣西嶽軒窗度白雲齋
心飯松子話道接茅君漢主恩情去空山起夕氛

句

浸浸三楚白沙渺渺九江寒

雪見吟
窗雜錄

虛中

虛中宜春人客於馬氏住湘西粟城寺與齊已尚顏棲
蟾為詩友碧雲集一卷今存詩十四首

泊洞庭

槐柳未知秋依依館驛頭客心俱念遠時雨自相留浪
沒貨魚市帆高賣酒樓夜來思展轉故里在南州

善卷壇

耕荒鑿原時高趣在希夷大舜欲遜國先生空歛眉五
溪清不足千古美無虧縱遣亡淳者何人投所思

石城金谷

晉祚一傾摧驕奢去不回只應荆棘地猶作綺羅灰狐
兔閑生長樵蘇靜往來踟躕意無盡寒日又西墮

庾樓

郡樓名甚遠幾換見樓人庾亮魂應在清風到白蘋晴
軒分楚漢夜酒揖星辰何必匡山上獨言無世塵

經賀監舊居

不戀明皇寵歸來鏡水隅
道裝汀鶴識春醉釣人扶
逐
朶雲如吐成行雁侶驅
蘭亭名景在蹤跡未為孤

獻鄭都官

早晚辭班列歸尋舊隱
峰代移家集在身老詔書
重藥
秘仙都訣茶開蜀國封
何當峇羣望高躡傳巖蹤

寄華山司空圖二首

門徑放莎垂往來投刺稀
有時開御札特地掛朝衣
嶽

信僧傳去仙

一作天

香鶴帶歸他年二南化

一作旨

無復更

衰微

逍遙短褐成一劔動精靈白晝夢仙島清晨禮道經黍

苗侵野徑桑椹污閒庭肯要為隣者西南太華青

贈屏風巖栖蟾上人

巖房高且靜住此幾寒暄鹿嗅安禪石猿啼乞食村朝

陽生樹罅古路

一作道

透雲根獨我閒相覓淒涼碧洞門

贈秀才

筠陽多勝致夫子縱游遨鳳鳥瑞不見鱸魚價轉高門
開沙菴靜船繫樹根牢誰解伊人趣村沽對鬱陶

送遷客

倏忽墮鷓行天南去路長片言曾不諂獲罪亦何傷象
戀藏牙浦人貪賣子鄉此心終合雪去已莫思量

哭悼朝賢

前昨回私第旋聞寢疾終四隣方響絕二月牡丹空塚
已遷名境碑仍待至公祇應遺愛理長在楚南風

悼方干處士

先生在世日抵向鏡湖居
明主未巡狩白頭閒釣魚
煙莎一徑小洲島四隣踈
獨有為儒者時來弔舊廬

聽軒轅先生琴

訣妙與功精通宵膝上橫
一堂風冷淡千古意分明
坐客神魂凝巢禽耳目傾
酷哉商紂世曾不遇先生

芳草

綿綿芳草綠何處動深思
金谷人亡後沙塲日暖時
龍

鱗藏有瑞風，雨灑無私欲。採蘭兼蕙，清香可贈誰。

句

喜魚在深處，幽鳥立多時。

馬侍中池亭紀事

菖蒲花不艷，鸚

鵒性多靈。

古今詩話

盤中是祥瑞，天下恰炎蒸。

賣冰者以下吟窗

雜錄

待暖還須去，門前有路岐。

夜坐

春雨無高下，花枝

有短長。

春詩

老負峨眉月，閑看雲水心。

贈齊己五代史補

棲蟾

棲蟾居屏風，巖詩十二首

短歌行

蟾光堪自笑，浮世懶思量。
身得幾時活，眼開終日忙。
千門無壽藥，一鏡有愁霜。
早向塵埃一作雲泥外，光陰任短長。

除夜

一作尚
類詩

九冬三十夜，寒與暖分開。
坐到四更後，身添一歲來。
魚燈延臘火，獸炭化春灰。
青帝今應老，迎新見幾回。

宿巴江

江聲五十里，瀉碧急于弦。
不覺日又夜，爭教人少年。

汀巫峽月兩岸子規天山影似相伴濃遮到曉船

游邊

邊雲四顧濃飢馬嗅枯叢萬里八九月一身西北風偷
營天正黑戰地雪多紅昨夜東歸夢
飛花煖色中

居南嶽懷沈彬

石房開竹扉茗外獨支頤萬木還無葉百年能幾時隔
雲聞狄過截雨見虹垂因憶嶽南客晏眠吟好詩

南中懷友生

荔枝江上立望北幾思量隔海無書劄前年在漢陽瘴
村人起早銅柱象揩光居此成何事尋君過碧湘

贈南嶽元泰布衲

曹溪入室人終老甚難羣四十餘年內青山與白雲松
和巢鶴看果共野猿分海外僧來說名高自小聞

寄問政山聶威儀

先生卧碧岑諸祖是知音得道無一法孤雲同寸心嵐
光薰鶴詔茶味敵人參苦向壺中去他年許我尊

送遷客

諫頗甘得罪一騎入南深若順吾皇意即無臣子心
織花蠻市布擣月象州砧蒙雪知何日凭樓望北吟

讀齊已上人集

一作尚
顏詩

詩為儒者禪此格的惟仙古雅如周頌清和甚舜弦冰
生聽瀑布香發早梅篇想得吟成夜文星照楚天

牧童

牛得自由騎春風細雨飛青山青草裏一笛一蓑衣日

出唱歌去月明撫掌歸何人得似爾無是亦無非

再宿京口禪院

灘聲依舊水溶溶岸影參差對梵宮楚樹七回凋舊葉
江人兩至宿秋風蟾蜍竹老搖疎白菡萏池乾落碎紅
多病支郎念行止晚年生計轉如蓬

御定全唐詩卷八百四十八

欽定四庫全書

御定全唐詩卷八百四十九

可朋

可朋丹稜人好酒自號醉髡玉壘集十卷今存詩四首

耕田鼓詩

農舍田頭鼓王孫筵上鼓擊鼓兮皆為鼓一何樂兮一
何苦上有烈日下有焦土願我天翁降之以雨令桑麻
熟倉箱富不飢不寒上下一般

賦洞庭

周極八百里凝眸望則勞水涵天影濶山拔地形高賈
客停非久漁翁轉幾遭颯然風起處又是鼓波濤

贈方干

盛名傳出自皇州一舉參差便縮頭月裏豈無攀桂分
湖中剛愛釣魚休童偷詩藁呈隣叟客乞書題謁郡侯
獨泛短舟何限景波濤西接洞庭秋

桐花鳥

五色毛衣比鳳雛
深花叢裏祇如無
美人買得偏憐惜
移向金釵重幾銖

句

來多不似客坐久却垂簾

見紀事

虹收千嶂雨潮展半

江天

見劉公詩話

詩因試客分題
僻慕為饒人下著低

傷心盡日有啼鳥
獨步殘春空落花

杜甫舊居

唯陪北楚

三千客多話東林十八賢
乍當暖景飛仍慢欲就芳

叢舞更高

蝶見偶談

曇域

曇域貫休弟子也詩集若干卷今存三首

宿鄭諫議山居

堂開星斗邊大諫採薇還禽隱石中樹月生池上山涼
風吹詠思幽語隔禪關莫擬歸城計終妨此地閒

懷齊已

鬢髯秋景兩蒼蒼靜對茅齋一炷香病後身心俱澹泊
老來朋友半凋傷峨眉山色侵雲直巫峽灘聲入夜長

猶喜深交有支遁時時音信到松房

贈島雲禪師

遠庵枯葉滿羣鹿亦相隨頂骨生新髮庭松長舊枝禪
高太白月行出祖師碑亂後潛來此南人總不知

栖一

栖一武昌人與貫休同時詩二首

坡下懷古

緬想咸陽事可嗟楚歌哀怨思無涯八千子弟歸何處

萬里鴻溝屬漢家
弓指陣前爭日月
血流坡下定一作走
龍蛇拔山力盡烏江水
今古悠悠空浪花

武昌懷古

戰國城池盡悄然
昔人遺跡遍山川
笙歌罷吹幾多日
臺榭荒涼七百年
蟬響夕陽風滿樹
雁橫秋島雨漫天
堪嗟世事如流水
空見蘆花一釣船

處默

處默初與貫休同
雜染後入廬山
與修睦棲隱游詩一

卷今存八首

聖果寺

路自中峰上盤回出薜蘿到江吳地盡隔岸越山多古
木叢青靄遙天浸白波下方城郭近鐘磬雜笙歌

送僧游西域

一盂兼一錫祗此度流沙野性雖為客禪心即是家寺
披雲嶠雪路入曉天霞自說游諸國回應歲月賒

遠煙

靄靄前山上凝光滿薜蘿高風吹不盡遠樹得偏多翠
與晴雲合輕將淑氣和正堪流野目朱閣意如何

螢

熠熠與娟娟池塘竹樹邊亂飛如拽火成聚却無煙微
雨灑不滅輕風吹欲燃昔時書案上頻把作囊懸

憶廬山舊居

麤衣糲食老煙霞勉把衰顏惜歲華獨鶴祇為山客伴
閑雲常在野僧家叢生嫩蕨粘松粉自落乾薪帶蘚花

明月清風舊相得十年歸恨可能賒

題棲霞寺僧房

名山不取買山錢任構花宮近碧巔
松檜老依雲裏寺樓臺深鎖洞中天
風經絕嶂回疎雨石倚危屏挂落泉
欲結茅菴共師住肯饒多少薜蘿煙

山中作

席簾高捲枕高敲門掩垂蘿蘸碧溪
閑把史書眠一覺起來山日過松西

織婦

蓬鬢蓬門積恨多
夜闌燈下不停梭
成練猶自陪錢納
未直青樓一曲歌

句

太平時節無人看
雪刃閒封滿匣塵

劒 見王
正字詩格

修睦

修睦光化中為洪州僧
正與貫休處默棲隱為詩友詩

二十首

秋日閒居

是事不相關誰人似此閒
卷簾當白晝移榻對青山
野鶴眠松上秋苔長雨間
岳僧頻有信昨日得書還

宿岳陽開元寺

竟夕憑虛檻何當興歎頻
往來人自老今古月常新
風逆一作送沈魚唱松疎
露鶴身無眠鐘又動幾客在迷津

送邊將

人盡有離別而君獨可

一作無

嗟言將身報國敢望祿榮

家戰思風吹野鄉心月照

一作滿

沙歸期定何日塞北樹

無花

雪中送人北遊

然知心去速其奈雪飛頻莫喜

一作歎

無危道雖平更陷

人遠郊光接漢曠野色通秦此去迢迢極却回應過春

落葉

雨過閑田地重重落葉

一作盡

紅翻思向春日肯信有秋

風幾處隨流水河邊亂暮空祇應松自立而不與君同

落花

一片又一片等閒苔面紅不能延數日開亦是春風公
子歌聲歇詩人眼界空遙思故山下經雨兩三叢

題田道者院

入門空寂寂真箇出家兒有行鬼不見無心人謂癡古
巖寒柏對流水落花隨欲別一何嬾相從所恨遲

東林寺

欲去不忍去徘徊吟繞廊水光秋澹蕩僧好語尋常碑

古苔文疊山晴鐘韻長翻思南嶽上欠此白蓮香

寄貫休上人

常語亦闕詩常流安得知楚郊來未久吳地住多時立
月無人近歸休有鶴隨所居渾不遠相識偶然遲

喜僧友到

十年消息斷空使夢煙蘿嵩嶽幾時下洞庭何日過瓶
乾離澗久衲壞卧雲多意欲相留住游方肯舍麼

懷虛中上人

簷雨滴更殘思君安未安
湘川聞不遠道路去尋難
吟鬢霜應蝕禪衣雪漸寒
倚松因獨立一鳥下江干

簡寂觀

正同高士坐煙霞思著閒
忙又是嗟碧岫觀中人似
鶴紅塵路上事如麻石肥
滯雨添蒼蘚松老涵風落
翠花莫道此間無我分遺
民長在惠持家

睡起作

長空秋雨歇睡起覺精神
看水看山坐無名無利身
偈

吟諸祖意茶碾去年春此外誰相識孤雲到砌頻

賣松者

求利有何限將松入市來直饒人買去也向柳邊栽細
葉猶粘雪孤根尚惹苔知君用心錯舉世重花開

思齊已上人

同人與流俗相謂好襟靈有口不能說長年自誦經水
聲秋後石一作室山色晚來庭客問修何法指松千歲青

送元泰禪師

去去去何住一盂兼一瓶水邊寒草白鳥外晚峰青宿
處林間虎行時天有星回期誰可定浮世重看經

三生石

聖迹誰會得每到亦徘徊一尚不可得三從何處來清
宵寒露滴白晝野雲隈應是表靈異凡情安可猜

題僧夢微房

東海日未出九衢人已行吾師無事坐苔蘚入門生雨
過閑花落風來古木聲天台頻說法石壁欠題名

秋臺作

獨上高樓上客情何物同
孤雲無定處長日信秋風
兄弟多年別關河此夕中
到頭歸去是免使歎洪濛

懷故園

故園歸未得此日意何傷
獨坐水邊草水流春日長

無作

無作字不用姓司馬氏吳越四明山僧善草隸詩歌不
謁王侯自號逍遙子詩一首

謝武肅王

雲鶴性孤單，爭堪名利關。
銜恩雖入國，辭命却歸山。

清尚

清尚與齊已同時詩一首

哭僧

道力自超然，身亡同坐禪。
水流元在海，月落不離天。
溪白葬時雪，風香焚處煙。
世人頻下淚，不見我師玄。

乾康

乾康零陵人詩二首

投謁齊已

隔岼紅塵忙似火
當軒青嶂冷如冰
烹茶童子休相問
報道門前是衲僧

賦殘雪

康謁永州守觀其老醜不信能詩時積雪方消命為題試之守大驚曰其旨不

淺待以殊禮

六出奇花已住開
郡城相次見樓臺
時人莫把和泥看
一片飛從天上来

句

鏡湖中有月處士後無人
荻笋抽高節鱸魚躍老鱗

方經

干舊居甚為
齊已所稱

御定全唐詩卷八百四十九

欽定四庫全書

御定全唐詩卷八百五十

曇翼

詩一首

招隱

第四句
缺一字

連峰數千里
修林帶平津
雲起遠山翳
風至荒榛茅
茨隱不見雞
鳴知有人
躡蹠踐其跡
處處見遺薪
乃知百代下
固有上皇民

隱求

一作隱邨
詩一首

石橋琪樹

山上天將近
人間路漸遙
誰當雲裏見
知欲渡仙橋

智遠

詩一首

律僧

瀟水與龕燈
長長護有情

衆生謂有情

自從青草出
便不下

階行北闕應無夢
南山舊有名
將何喻浮世
惟指浪漚

輕

無悶

詩二首

暮春送人

折柳亭邊手重攜，江煙澹澹草萋萋。
杜鵑不解一作離人意，更向落花枝上啼。

寒林石屏

草堂無物伴身閒，惟有屏風枕簟間。
本向他山求得石，却於石上看他山。

尚志

詩一首

江上秋志

到來江上久誰念旅游心故國無秋信隣家有暮砧坐
遙翻不睡愁極却成吟即恐髭連鬢還為白所侵

元寶

詩一
首

路

南北東西去茫茫萬古塵關河無盡處風雪有行人險
極山通蜀平多地入秦營營名利者來往豈辭頻

懷浦

詩二
首

贈智舟三藏

壯歲心難伏師心伏豈難尋常獨在院行坐不離壇岳
雪當禪暝松聲入咒寒更因文字外多把史書看

初冬旅舍早懷

枕上角聲微離情未息機夢回三楚寺寒入五更衣月
沒棲禽動霜晴凍葉飛自慙行役早深與道相違

亞棲

詩二首

對御書後一絕

通神筆法得玄門親入長安謁至尊莫怪出來多意氣

草書曾悅聖明君

題英禪師

將知德行異尋常每見持經在道場
欲識用心精潔處一瓶秋水一爐香

惟審

詩三首

別友人

一身無定處萬里獨銷魂
芳草迷歸路春衣滴露痕
幾時休一作同旅食向夜宿江村
欲識異鄉苦空山啼暮猿

賦得聞曉鶯

一作
黃鳥

啼

捲簾清夢後芳樹引流鶯隔葉傳春意穿花送曉聲未
調雲路翼空負桂枝情莫盡關關

一作
西

興羈愁正厭生

春日旅懷呈知己

生涯萬事有蒼蒼應任流萍便越鄉春水獨行人漸遠
故園歸夢

一作
路

夜空長一聲隔浦猿啼處數滴驚心淚

滿裳不為知音昏鮑叔信誰

一作
憑

江上去茫茫

慕幽

詩六
首

劍客

去住知

一作如

何處空將一劍行
殺人雖取次為事愛公

平戟立噴髭鬚星流忿眼睛
曉來湘市

一作相共

說拂曙別

遼城

酬和友人見寄

一作冬日淮上別文上人

勞歌好自看終久偶齊桓
五字若教易一名爭得難侵

窓紅樹

一作葉

老蔭砌雪花殘莫効齊僚屬
東歸剪釣竿

冬日淮上別文上人

一作酬和友人見寄

家國各萬里同吟六七年
可堪隨北雁迢遞向南天
水共一作與行人遠
山將落日連
春淮有雙鯉莫忘尺書傳

柳

今古憑君一贈行
幾回折盡復重生
五株斜傷淵明宅
千樹低垂太尉營
臨水帶煙藏翡翠
倚風兼雨宿流鶯
隋皇隄畔一作上依依在
曾惹當時歌吹聲

三峽聞猿

誰向茲來不恨生
聲聲都是斷腸聲
七千里外一家住

十二峰前獨自行
瘴雨晚藏神女廟
蠻煙寒鎖夜郎城

憑君且聽

一作莫

哀吟好會待青雲
道路平

燈

鐘斷危樓鳥不飛
熒熒何處最相宜
香然水寺僧開卷
筆寫春幃客著詩
忽爾思多穿壁處
偶然心盡斷纓時
孫康勤苦誰能念
少減餘光借與伊

釋彪

詩一首

寶琴

吾有一寶琴價重雙南金刻作龍鳳象彈為山水音星
從徽裏發風來弦上吟鍾期不可遇誰辨曲中心

法輪

詩一首

觀大駕出叙事寄懷

見文苑
英華

紫臺宵漏竭青門曙鼓通輕霞照複道徐吹轉相風玉
鸞光萬騎金輿鬱五戎鳴笳猶度闕清蹕尚喧宮雲旗
亂陌紫羽旆雜塵紅百城歸北麗兩漢久慚雄吾曹陋
薄技餘慶洽微躬平原已起洛印手亦還豐得奉衣冠

盛仍觀書軌同猶言待封告未忍向華嵩

尚能

詩一首

中秋旅懷

所畜惟騷雅兼之得固窮望鄉連北斗聽雨帶西風
穡穡村坊遠煙波路逕通冥搜清絕句恰似有神功

句

霜洲楓落盡月館竹生寒

見萬花谷

常雅

詩一首

題伍相廟

蒼蒼古廟映林巒
漠漠煙霞覆古壇
精魄不知何處在
威風猶入浙江寒

滄浩

詩一首

懷舊山

一作別嘉興
知已

一坐西林寺從來未下山
不因尋長者無事到人間
宿雨愁為客寒花笑未還

一作寒禽
散未還

空懷舊山月童子誦

經閒

若水

詩一首

題慧山泉

石脈綻寒光
松根噴曉涼
注餅雲母滑
漱齒茯苓香
野客偷煎茗
山僧借淨牀
安禪何所問
孤月在中央

文鑒

詩一首

題馬跡山

瀛洲西望沃洲山
在平湖縹緲間
常說使君千里馬
至今龍跡尚堪攀

御定全唐詩卷八百五十

欽定四庫全書

御定全唐詩卷八百五十一

慈恩寺沙門

高宗時

和御製遊慈恩寺

皇風扇祇樹至德茂禪林
仙華曜日彩神幡曳遠陰綺
殿籠霞影飛閣出雲心
細草希慈澤恩光重更深

水心寺僧

贈賈松先輩

嵯峨山上石歲歲色長新若使盡成寶誰為知己人

無名釋

古梅

火虐風饕水漬根霜皴雪皴古苔痕東風未肯隨寒暑
又檠清香與返魂

南唐失名僧

月

徐徐東海出漸漸上天衢此夜一輪滿清光何處無

前二

句一作團團離海
嶠漸漸出雲衢

吳越僧

武肅王有旨石橋設齋會進一詩共六首

南有天台事可尊
孕靈含秀獨超羣
重重曲澗侵危石
步步層巖踏碎雲
金雀每從雲裏現
異香多向夜深聞
當知此界非凡界
一道幽竒各自分

仙源佛窟有天台
今古嘉名遍九垓
石磴嵌空神匠出
瀑泉雄壯雨聲來
景強偏感高僧上
地勝能令遠思開

一等翹誠依此處自然靈贖作梯媒

智泉福海莫能逾親自王恩運睿謨感現盡冥心境界
資持全固道根株石梁低翥紅鸚鵡煙嶺高翔碧鷓鴣
勝妙重重惟禱祝永資軍庶息災虞

凌晨迎請倍精誠親散鮮花異處清羅漢攀枝呈梵相
巖僧倚樹現真形神幡雙出紅霞動寶塔全開白氣生
都為王心標意切滿空盈月瑞分明

幡花寶蓋滿青川祈禱迎來聖半千莫道勝緣無影響

須知嘉會有因緣
空中長似聞天樂
巖畔常疑有地仙
何必更尋兜率去
重重靈應事昭然

登雲步嶺涉煙程
好景隨心次第生
聖者已符祥瑞事
地靈全副禱祈情
洞深重疊拖雲濕
灘淺潺湲漱水清
願滿事圓歸去路
便風相送片帆輕

唐末僧

題戶詩

枕有思鄉淚
門無問疾人
塵埋牀下履
風動架頭巾

神迴

臨晉人姓田貞觀間流化岷峨為道俗宗仰

逸句

鷓鳴東牖曙草秀南湖春

見詩式

可隆

字了空俗姓慕容住福州東禪院五代時人

逸句

萬般思後行一失廢前功

觀撰

爾鳥

唐末蜀沙門

逸句

鯨目光燒半海紅
鰲頭浪撼掀天白

見詩話
總歸

元礎

上都僧

逸句

寺隔殘潮去

採藥過泉聲

林塘秋半宿風雨夜深

來

悟清

唐僧

逸句

鳥歸花影動魚沒浪痕圓

契盈

閩中人住杭州龍華禪寺

逸句

二千里外一條水十二時中兩度潮

見五代史補

淡然

逸句

到處自鑿井不能飲常流

庭實

江南僧

逸句

吟中雙鬢白笑裏一生貧

見詩史

知業

吳越時湖州擘保寺僧有詩名

逸句

第二句
缺一字

接岼橋通何處路倚欄人
是誰家

見蓀光錄

雲容

逸句

木末上明星

元幽

三萬蓮經三十春
半生不蹋院門塵

志定

逸句

惟有罇前今夜月
當時曾照墮樓人

梧桐葉老蟬聲

死一夜洞庭波上風

見張為
主客圖

靈準

逸句

晴看漢水廣
秋覺峴山高

荊州僧

逸句

犬熟護鄰房

御定全唐詩卷八百五十一

欽定四庫全書

御定全唐詩卷八百五十二

司馬承禎

司馬承禎字子微河內人好學工篆隸居天台紫霄峰
則天睿宗明皇累召見問道術後居王屋山卒贈真一
先生詩一首

荅宋之問

時既暮兮節欲春山林寂兮懷幽人登竒峰兮望白雲

悵緬邈兮象欲紛白雲悠悠去不返寒風颼颼吹日晚
不見其人誰與言歸坐彈琴思逾遠

張氲

張氲一名蘊字藏真晉州人神情秀逸脩閑學道不娶
嘗寓李嶠家十餘年棲息洪崖古壇自號洪崖子天后
及明皇朝屢召不赴詩三首

醉吟三首

去歲無田種今春乏酒材從他花鳥笑佯醉卧樓臺

下調無人睬高心又被瞋不知時俗意教我若為人
入市非求利過朝不為名有時隨俗物相伴且營營

司馬退之

司馬退之開元中道士詩一首

洗心

不踐名利道始覺塵土腥不味稻粱食始覺精神一作神骨

清羅浮奔走外日月無短明山瘦松亦勁鶴老飛更輕
逍遙此中客翠髮皆長生草木多古色雞犬無新聲君

有出俗志不貪英雄名傲然脫冠帶改換人間情去矣
丹霄路向曉雲冥冥

裴儵然

裴儵然楚州刺史思訓之子開元中為道士好詩酒善
丹青詩一首

夜醉卧街

開元中夜醉卧街
犯禁乃為此詩

遮莫鼙鼓動一作鼓須傾滿滿杯金吾如借問一作報但道

玉山頽

軒轅彌明

軒轅彌明元和中衡山道士詩一首

謁堯帝廟

桂州堯廟有開元二年
彌明謁堯詩自宋鐫石

祖龍開國盡遐荒
廟建唐堯鎮此邦
山卷白雲朝帝座
林踈紅日列仙幢
巍巍聖蹟陵松嶠
蕩蕩恩波洽桂江
瞻仰威靈共回首
紫霞深處鎖軒窗

陳寡言

陳寡言字太初暨陽人從田良逸學道元和中住桐柏

山詩三首

山居

照水冰如鑑，掃雪玉為塵。
何須問今古，便是上皇人。

醉卧茅堂不閉關，
覺來開眼見青山。
松花落處宿猿在，
麋鹿羣羣林際還。

臨化示弟子

我本無形暫有形，
偶來人世逐營營。
輪迴債負今還畢，
搔首翛然歸上清。

李昇

李昇字雲舉江夏人學煉氣養形之術與元白善年百餘歲卒詩一首

元白席上作

一作呂巖遇
鍾離先生作

生在儒家遇太平懸纓垂帶布衣輕誰能世路趨名利
臣事玉皇歸上清

范堯佐

范堯佐長慶元和中道士詩一首

一字至七字詩

以題為韻同王起諸公送白居易分司東都作

書

書憑鴈寄魚出王屋入匡廬文生益智道著清虛葛洪
一萬卷惠子五車餘銀鈎屈曲索靖題橋司馬相如別
後莫睽千里信數封緘送到閑居

徐靄府

徐靄府自號默希子錢塘人居天台虎頭巖上以脩煉
自樂武宗詔徵之力辭免嘗撰天台山記三洞要畧玄

鑑等書詩三首

言志獻浙東廉訪辭召

野性歌三樂皇恩出九重那煩紫宸命遠下白雲峰多
媿書傳鶴深慚紙畫龍將何佐明主甘老在巖松

自詠二首

寂寂凝神太極初無心應物等空虛性修自性非求得
欲識真人祇是渠

學道全真在此生何須待死更求生今生不了無生理

縱復生知那處生

一作侯
臺閣吟

吳子來

吳子來大中末道士詩二首

留觀中詩二首

雲笈七籤云子來止成都雙流
縣興唐觀中養氣絕粒時亦飲


酒他無所營一日自寫其真并詩

二章留遺觀中道士費玄真去

終日草堂間清風常往還耳無塵事擾心有翫雲閒對
酒惟思月餐松不厭山時時吟內景自合駐童顏

此生此物當生涯白石青松便是家對月卧雲如野鹿

時時買酒醉烟霞



御定全唐詩卷八百五十二